

Kayëte mba Pol nte kerëhnëka Filemon Wade yehëhna kayëte Pol

Afayik Pol herëhnëka Filemon inji kayëte mpëd wati nte nkeho hnë kaso mbë Sesare (yëbëlan bëhn wafëhw imbëd gë warar gë bëhn wafëhw imbëd g'imbëd gë warar (53 gë 58) ga ndëcëk hnagi Yesu ÿa) ma hnë kaso mbë Rom (yëbëlan bëhn wafëhw imbëd gë ryaŵ gë bëhn wafëhw imbëd gë ryaŵ gë wahi (60 gë 62) ga ndëcëk hnagi Yesu ÿa). Filemon ahnë afërën yeho Kolos hna, do vële hwëtahnëk va mbarëpëlëdëniho ÿalu hna (yëb 2). Kwëhnakëhniwo vëramp, had gante nkeho vankeya vantëŵ hni kobëri ka, do aryampo ÿa Onesim maciko.

Onesim nkaryëkawo ale hwëhnëkawo ÿa (do mpëd ntenëhnëkawo fëna, yëkëryin yëb 8) do ga mbiÿëk pankëlëni gë Pol kaso hna. Kwëtahnëlehn Wanës Wakasëk do ndokuñëhnënda Pol. Pol ñahnëkawo dus bare cañahnëlahna kwëtahna, kabi gante nke sarya ka, Filemon hwëhnëka.

Atac umë mbokënanëka Filemon g'inji kayëte, gë Tisik fëna ale yiryëryëd kayëte ñi gë Kolos, do atëyëka Filemon tebahna had aÿëntaŵ hnë Këris hna. Age gena umë kokënd njëdahna uhorot sankaf kabi nkaryëka ale hwëhnëka ÿa. Pol wajira fo nësëhnëdëha Filemon, hara porosiñëlahna ñoñ, bare akamënaÿëhnëdëha

Filemon maŵa Onesim g'ijahn, umë ntehnëka kwët wac lëŵu hna age Onesim nkonëhnahnëka iñë cosëdëha, tac ndënkwëtehnata Filemon nkonëhnahnëka Pol uwám lëŵu ŵa, umë ale yëdaka Wanës Wëkasëk űa.

Wëlin wanës wakwëhn nafa hn'ijï kayëte: Këris, Onesim, aŷënta, Ahwëhn, wanës, ijahn.

Wëlin gante nke kayëte ka:

Simpaŷi 1-3

Pol kerëhnëka Filemon 4-7

Uryëy Pol soűe Onesim 8-21

Simpaŷi rëkwa 22-25.

Pol kerëhnëka Filemon

¹ Ami Pol herëhnëdëhi wëjë Filemon. Cëdïbu kabi doku Yesu Këris lidëfu. Gë aŷënta fu Timote nkefun. Nkaŷëderu wëjë, lawo fu aŷahnik do aryokëjëntal fu,

² gë aŷënta fu, asëval ale ŵacik Apiya, gë Arësip arëfëlënta fu wët hna, do gë cery sali nte varëpëlëd hnë tere hu hna.

³ Arabi Wënu űa, Rëm fu ŷa g'Ahwëhn a Yesu Këris ndëwanihu do njëdënihu yam ŷa!

⁴ Age nahami, Filemon, wayëfa mën hna, camehnëdëfuha kwëlëkwël Wën mën űa,

⁵ kabi nkwëryëdëfu ga nësëde soűe ijahn hu űa do soűe ikwëtahn nte hwëhnaru paß gë Ahwëhn Yesu do paß gë fop wëfacah.

⁶ Njëfadëfuha Wënu űa nti ikwëtahn hu, nte vankëntiru gë fuhnë űa, kwëhna vantëwel vapërën danko ayëtëntahni viŷë vifërën vile hwëhnayinëk hnë uwám fu hna gë Këris.

⁷ Aÿënta mën, inahn hu ña njëdfako uhnatah yabah do kamënaÿehn, kabi mbosëvosehneru wasakahn vëfacah.

Uryëy Pol soñe Onesim

⁸⁻⁹ Soñe inahn tac, mama kwëhnahnëbu, hnë Këris, fop afaya lehni ile rëfëka ali, pecehnëko rëyi rac g'untënah. Had gante nkebu ki, ami Pol, acër, do kas gaki fëna asëdïk kabi d'oku Yesu Këris lidëfu,

¹⁰ muntadëmi soñe ajë mën, ale hnagëbu hnë kaso hna, Onesim*.

¹¹ Umë ale woko yohëna kobëri ña, njo-halëkëfu gaki, wëjë g'ami.

¹² Mbokaryëryidëfuha, umë ale ye had ntaŵary mën dënk.

¹³ Ami, ñakëndëbu hwëtaŵa d'arël mën, soñe ndemando gë ŵac hu hnë kaso hn'ile nkebu soñe Wanës Wakasëk.

¹⁴ Bare ñoñ ñala liwu hara mawëlihna, d'anko ufërën hu ŵa paß g'ami antë mëntël g'ile forosinjik, bare nke afaya fo.

¹⁵ Mpëd Onesim fëna gontilohna gë wëjë soñe wati ryampo d'anko avësahnihna soñe kantëm,

¹⁶ bokëdëliya avësayihna had aramp, bare pecehna aramp, had aÿënta aÿahnik. Añahnëbuha d'us, bare wëjë, tëfëka aÿahna ntëbi: aÿahna had ahnë do aÿahna had ale hwëtahnëka Këris!

¹⁷ Awa, age pëlaruho had aÿënta hu hn'ikwëtahn hna, kacaryehna had ami ye.

* **1:10 1.10** *Onesim* fëhnëtanëk «ayohah».

¹⁸ Do ge ntëntahnëki ma ge nkonëhnahnëki iñë, kwëtëry wãc mën.

¹⁹ Ami, Pol, akerëbu gë vák mën dënk: ambësadëmi ami dënk; ñađa ryënkwëntehni wëjë fëna nkonëhnahnëruho iñë do wëjë dënk ye iñë rac!

²⁰ Ha, aÿënta mën, dinëhnërye iÿin hnë Ahwëhn hna; bosëvosehnëry ntaŵary mën hnë ißëmënkël fu gë Këris!

²¹ Apacahnëko ntidu ile rëyëmi ÿa hnë inji kayëte, anjëtëbu ntidu ntëbi rac.

²² Gë wañi, pëhwëtanëhnërye ÿëŵa, kabi tamabu, soñe wayëfa hun ŵa, mbësahnëdëbu.

²³ Epafëras, ale sëdëlahnibun soñe doku Yesu Këris ÿa, nkaÿëki.

²⁴ Marëk, Arisëtarëk, Demas do Lik, vëryokunëntal mën fëna, nkaÿënihi.

²⁵ Arabi Ahwëhn fu ÿa Yesu Këris ndëwaŵu.

Wamey
Wamey: Vikerëh Vikasëk Wën gë Wapëgwala (New Testament+)

copyright © 2018 Wycliffe Bible Translators, Inc.

Language: Wamey

Contributor: Wycliffe Bible Translators, Inc.

All rights reserved.

2025-04-30

PDF generated using Haiola and XeLaTeX on 30 Apr 2025 from source files dated 1 May 2025
f961026b-f72f-5bd7-9f75-efa7f932577e